

Radionica Putujuće feminističke radionice - Sanski Most



Radionica je održana 03.08.2010. godine u prostoriji nevladine organizacije Kraiška suza. Partnerska organizacija nam je bila ženska organizacija Kraiška suza. Voditeljice radionice su bile Almina Omeragić i Vedrana Frašto. Na radionici je prisustvovalo 28 učesnica.

Prisutne na radionici su imale priliku da se upoznaju sa dokumentarnim filmom Žene na prvoj liniji „Turska - ubijanje u ime časti“ i dokumentarnim filmom Žene na prvoj liniji „Demokratska republika Kongo - Nađite riječ za to...“, kao i sa HERoinama koje su obilježile ženski pokret u prošlosti.

Diskutovale smo o projekcijama dokumentarnih filmova, te su učesnice željele da izraze svoje mišljenje koliko i na koji način je na njih uticalo gledanje navedenih dokumentaraca. Spomenule su da je situacija u Bosni i Hercegovini je teška i da žene nisu prihvaćene. Govorile su kako nisu jednako plaćene za isti posao koji obavljaju kao i njihove kolege, ako uopće imaju sreće da rade. Diskriminacija koja se nad ženama vrši, kada traže posao, je velika i kako mlade žene pitaju za porodicu prilikom intervjua za posao, a dok žene u zrelijim godinama nemaju prilike ni da budu pozvane na intervju. Govorile su o lošem tretmanu države prema samohranim majkama.



Učesnice su bile jako aktivne i izrazile su želju za interaktivnim radionicama. Rekle su da su žene jake, posvećenije bilo kojem poslu koje počnu da rade, kao i to da nikad se ne smiju obeshrabriti, da zajedno utiču na promijene i podržavaju jedna drugu. Problem u njihovoj lokalnoj zajednici jeste što ne izlaze na ulice i javno se ne izjašnjavaju o vlasti koja vodi državu i ne traže od države da pomogne građanstvu da vode dostojanstven život.

Tokom radionice trajala je i izložba heroína koje su obilježile ženski pokret, koju su sve prisutne imale priliku pogledati i prodiskutovati o ženama prikazanim na izložbi.

Promotivni materijal je uključivao informacije o Fondaciji CURE, razglednice, bedževe, HERoíne, FEM zanimljivosti, HERstory, priručnike za edukatorice i aktivistice „Upoznaj svoja prava, žensku istoriju, osnaži se i aktiviraj!“, istraživanja „Koliko djeca i mladi znaju o nasilju“, brošure „101 razlog zašto glasati za ženu“, UNIFEM statistike na globalnom nivou o nasilju nad ženama, kako biti veličanstvena feministkinja, zato šro ženskom poslu nikada kraja, informacije kako je nastao 8.Mart/Internacionalni dan žena i dva feministička kviza.